

REGLUR

um viðgerðir útvarps- og loftskeytaviðtækja.

Samkvæmt 4. gr. reglugerðar dags. 7. maí 1942, um stjórn, rekstur og eftirlit fjar-skiptamála, eru hér með settar eftirfarandi reglur um viðgerðir útvarps- og loftskeyta-viðtækja:

1. gr.

Enginn má taka að sér að gera við viðtæki útvarps, loftskeyta, firðtals o. þvl., eða setja upp útiloftnet fyrir þau nema sá, er hefur fengið leyfisbréf til þess, útgefið af póst- og símamálastjórninni. Þetta ákvæði nær þó ekki til starfa, sem eru framkvæmd í umboði Landssímans eða Ríkisútvarpsins. Leyfisbréf frá póst- og símamálastjórn-inni þarf heldur ekki, þegar um er að ræða:

- a. Viðgerðir, sem eru einungis fólgnar í endurnýjun lampa, öryggis eða annarra þvi-likra lausra hluta í viðtækjunum, enda valdi það engum skaðlegum breytingum á eiginleikum tækjanna svo sem aukinni lífshættu, brunahættu eða hættu á að trufla rekstur annarra tækja.
- b. Uppsetning útiloftneta, þar sem rafmagnsveita með yfir 24 volta spennu er ekki á staðnum og engin símalína nær en í 10 metra fjarlægð, enda sé að öllu leyti farið eftir gildandi reglum þar um.

Enn fremur kemur skirteini 1. og 2. flokks loftskeytamanna í stað leyfisbréfs, þegar um er að ræða viðgerðir viðtækja, sem tilheyra loftskeytastöðinni, sem þeir eiga að gæta

Löggiltum rafvirkjum er og heimilt, án leyfisbréfs frá póst- og símamálastjórn-inni, að setja upp venjuleg loftnet fyrir útvarpstæki, svo og að leggja taugar innan-húss að tækjunum, enda fylgi þeir settum reglum þar að lútandi.

2. gr.

Umsóknir um leyfisbréf, er um getur í 1. gr., skal senda póst- og símamálastjórn-inni, og skal taka fram fullt nafn, fæðingardag, heimilisfang, upplýsingar um menntun og atvinnu síðustu ár, svo og vottorð sérfróðra manna um kunnáttu í útvarps- eða loftskeytatekni, enn fremur hvers konar leyfis sé óskað.

Póst- og símamálastjórnin felur 3 manna nefnd, sem í eru einn tilnefndur af Landssímanum, einn af Ríkisútvarpinu og einn af Rafmagnseftirliti ríkisins, til að dæma um hæfni umsækjanda áður en leyfisbréf er gefið út. Ef umsækjandi hefur ekki áður lokið prófi, er nefndin tekur gilt, og hún telur nauðsynlegt að halda próf, ber umsækjandi allan kostnað af prófinu.

Þeir, sem hafa verið löggiltir sem útvarpsvirkjar áður en áðurnefnd reglugerð frá 7. maí 1942 var gefin út, fá án prófs afhent leyfisbréf 1. flokks sbr. 3. gr. þessara reglna.

3. gr.

Leyfisbréf til viðgerða á viðtækjum almennings greinast í þessa höfuðflokka:

1. flokkur (Almennt leyfisbréf):

Leyfi til þess að gera við öll venjuleg útvarpsviðtæki hvar sem er á landinu og til að setja upp útiloftnet fyrir þau.

Ef leyfishafi hefur opna viðgerðarstofu og fær viðurkenningu póst- og síma-málastjórnarinnar fyrir að hafa fullnægjandi áhöld og mælitæki, má hann taka nem-endur sér til aðstoðar við viðgerðirnar, en hann ber fulla ábyrgð á verkum þeirra, og skal ávallt athuga verk þeirra áður en þeim er skilað.

2. flokkur (Staðbundið leyfisbréf):

140

Leyfi til þess að gera við tilteknar tegundir viðtækja í ákveðnum kaupstað eða héraði, og setja þar upp útiloftnet fyrir viðtækin. Þetta leyfi er að jafnaði aðeins veitt, ef viðgerðarmaður (útvarpsvirki) með 1. flokks leyfisbréfi er ekki starfandi á staðnum.

15. júlí

3. flokkur (Takmarkað leyfisbréf):

Leyfi til þess að gera við einfaldar bilanir í rafhlöðuviðtækjum eða viðtækjum, sem eru tengd við rafveitur með hæst 24 volta spennu. Þetta leyfi er að jafnaði aðeins veitt fyrir ákveðið hérað.

4. gr.

Í leyfisbréfi skal tilgreina, hve viðtækt leyfið sé, til hvaða tíma það gildi, og önnur ákvæði og skilyrði fyrir leyfinu.

5. gr.

Brot gegn reglum þessum varða viðurlögum samkvæmt lögum nr. 30 27. júní 1941, um fjarskipti, sbr. 4. gr. reglugerðar frá 7. maí 1942, um stjórn, rekstur og eftirlit fjarskiptamála.

Póst- og simamálastjórnin, 15. júlí 1942.

Guðmundur Hlíðdal.

G. Briem.

AUGLÝSING

141

28. júlí

um breyting á tímaákvörðunum og kærufrestum, er um ræðir í IV. kafla laga nr. 6 9. jan. 1935, um tekjuskatt og eignarskatt.

Samkvæmt heimild í i-lið 14. gr. laga frá 20. maí 1942, um breyting á lögum nr. 6 9. jan. 1935, um tekjuskatt og eignarskatt, hefur ráðuneytið ákveðið, að tímaákvörðunir og frestir samkv. 36., 37. og 38. gr. laga nr. 6 9. jan. 1935, skuli breytast svo sem hér segir við álagningu tekju- og eignarskatts árið 1942:

Í Reykjavík.

Kærufrestur til yfirsattanefndar skal vera til 11. ágúst þ. á.

Fjármálaráðuneytið, 28. júlí 1942.

F. h. r.

E. u.

Einar Bjarnason.